



Semper atque semper libertas indit

Banater Zeitung

VIII BZ / 18. März 2026

„Wer Sanktandreser Wasser getrunken hat, is so schnell nimmer fort gang...“

Vor den Spruch hat de rechteckige, artesische Brunne in de Ortsmitt e lang Zeit g'sorcht. Wer uf Andres kumm is, hat fast immer im Dorzentrumong'hall un en Schluck Wasser vum dem Brunne verkoscht.

**Vor de Kerch e Brunne steht,
Pauselos uns Wasser spend;
De Wandrer, der voriwer geht,
Kihlt sei Dorscht un wäscht die Händ'.**



Mr sollt vielleicht doch net vergesse, en Sprichwort erinnert un mahnt: „Erscht wenn de Brunne trucke is, dann fangt mr on, 's Wasser zu schätze“.

Pild vom Janzer Hans



Des Bild vum Brunne aus dem Dorzentrum in Sanktandres, um die Jahre 1970, is gemolt vum de Wäs Juli Rausch.

Die Klennschte vum Kinnergorte un die Schulkinner sin g'schwind iwuer die Stroß geloff un han frisches Wasser vum arte-

sische Brunne getrunken. Die Mädle un Buwe han sich immer widdr gere an de Quell getroff, um ihre Geheimnisse losszuwerre.

**Am große Becke sammle sich
Kleene Kinner – Bu un Mäd – ,
Jedr' mit sei'm eigne Schiff
Aus Papier scheen zammgeleet.**

.....
**De Brunne kann gar fill vrzähle-
Er kennt ke Schloof, er kennt ke Ruh –
Zum Brunne tun sich nachts oft stehle
Vrliebte – un de Mond schaut zu.
'S Wasser plätschert ruhich, heiter,
De Weidebaam wie't sich im Wind,
Die Stern ziehn ihre Bahne weiter:
Wu Liebe wohnt, do gebt's ke Sind'.**

Es wor en sehr begehrte Treffpunkt for Jung un Alt. So manche Schwowin oddr och Schwob hat's Wasser heimlich aus'm Kruch ausg'schutt, um schnell nochmol zum Brunne gehn zu kenne. So sin dem em oddr annr vor Ort tichtich die Feddre geroppt gen. Heizutoch nennt mr so was: Informationsaustausch oddr Besprechung uff hohem Niveau.

Sehr schod. De artesische Brunne in de Ortsmitt gebt's in dere Form heizutoch nimmi in Andres. Mr trinkt Harghita-

Wasser aus de Flasch, well angeblich des Wasser die Natur so gere hat. So die Propaganda. Des han ich erscht unlängscht im Temescher Kreisgeles. Awwer: e bissl sprudlt noch Wasser aus'm verroschti Rohr, als wollt's rufe: „So schnell gen mr doch net uff!“

Die Verse hat de Wußlich Toni alias Matthias Weber im Jahr 1972 gedicht und de Text iwuer de artesische Brunne – e Erzählung im Zeiche vun vill Nostalgie – hat de Janzer Hans vun de HOG Sanktandres verfasst.

Bipodtch